



Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

Capvt Secvndvm. Monasterium S. Maximini immediate Ecclesiasticæ
Pontificis Maximi Iurisdictioni subiectum esse.

urn:nbn:de:hbz:466:1-14268

runt, quām in spiritualibus summum Pontificem, & in temporalibus solum suam Casaream Majestatem & Imperium &c.

Jdem Isenburg in alijs, quē exhiberi possunt, sic loquitur ad Cef. Maiestatem de Monasterio S. Maximini: Das loblich Gottshauß S. Maximini S. Benedicten Ordens Ewer Radyerlichen Majestät vnd dem Heiligen Reich ohne allen mittel als ein furnemlichs gliedt desselbigen in weltlichen sachen zugethan vnd vnderworffen. Id eit, Laudabile Monasterium S. Maximini, Ordinis S. Benedicti, Vesta Casare & Maiestati & sacro imperio sine omni medio tanquam insigne membrum eiusdem in temporalibus obnoxium & subiectum.

Idem denique iterum Isenburg in alijs ex Sarburg ad Prefectum S. Maximini prefatum D. Buchel de Anno MDXLVIII. Febr. XII hęc habet: Die unteugbare warheit ist, darzu im fahl der nochturft wol zu beweisen, das ein Abt zu S. Maximini sampt seinem Gottshauß sonder mittel dem Heiligen Romischen Reich angehörig. Id est, irrefragabilis veritas est, casu quo opus, facile probanda, quod Abbas S. Maximini, una cum suo Monasterio, sine medio ad S. Rom. Imperium pertineat. Sic ille iterato & sepius cō maiori veritatis testimonio, quod magis eum Iura S. Maximini sciuisse credendum est, vt pote S. Maximini Commendatorem Prælatum, & eiusdem Monasterii Coadiutorem.

C O N C L V S I O.

Ex dictis vtraque sectione huius capituli evidenter cuius à quo lectori innotescit, Abbatem & Monasterium S. Maximini eiusque Statum S. Rom. Imperio immediatè subiici, non solum vi probationis à tot instrumentis, documentis, rebus Iudicatis; verum etiam ex omnibus, quae excogitari queant, immediati Status proprietatibus ac notis, ex ipsis Archiepiscoporum agnitionibus & confessionibus, ac denique ex postrema illa Imperatoria & Maiestatis iudicatione ac sententia, quam anno MDCXXVI. in Aulico suo Consistorio, rebus omnibus seriò ac sollicitè examinatis & discussis, tanta solemnitate tulit.

C A P V T S E C V N D V M.

Monasterium S. Maximini immediate Ecclesiastice Pontificis Maximi Iurisdictioni subiectum esse.



E GAT hoc Scriptor anonymous initio libelli famosus, & quidem omnium mortalium primus, quod sciamus, hoc ita palam & publicè negare est aulus; poterat proinde dictum illius contemni tanquam muscæ alicuius circa summi Pontificis tiaram volitantis fusurus. Ne tamen posteritati, & minus in rebus nostris informatis relinquatur aliqua impressio veritati contraria, pauca adseremus huic veritati notissimæ confirmandæ opportuna. Futile autem, quo anonymous ille vtitur argumentum, parte secunda dissipabitur.

S E C T I O . I.

In primo suo exordio Monasterium hoc fuit sub Summo Pontifice immediate.

C VM piissimus Imperator Constantinus Magnus conderet Imperiale nostrum Monasterium, voluit illud in Ecclesiasticis S. S. Apostolicæ, & quæ ac in temporalibus Imperio immediate subesse. Id ita gestum esse, luculentè

declarauit S. Henricus ante sexcentos & plures annos, dum in Diplomate Triburienſi, quod habes sub Num. 20. agens de hoc Monasterio dicit: *Apostolicam Sedem, cui idem locus sacratissimus sub antiquis temporibus Constantini Imperatoris & Helene Matris illius addictus esse dignoscitur, fiducialiter appellant.* Et vero, cum certum sit, hoc & superioribus ſæculis dictum ſacrum locum ita ſemper exemptionum fuſſe, & Pontifices omnes, qui de præfata exemptione loquuntur, eam ante multa ſæcula factam ſupponant, nec villa de contrario extet memoria, iudicium aut monumentum, pro certo habendum eſt, exemptionem præfati ſacri loci, cum ipſo initium omnino cepiſſe, & hoc Abbas Sancti Maximini in antiquissima poſſeſſione conſtitutus ſemper tuebitur, donec aliud probetur, quod nemo adhuc non modò præſtitit, ſed nec tentauit quidem.

S E C T I O II.

Probatur eadem Exemptio ex Pontificum & Imperatorum Rescriptis.

Exemptionem prædictam Bullis ſuis plurimi Pontifices ab omni memoria confirmarunt & stabiluerunt.

Gregorius II. in Bulla, quam vide sub Num. 2. vbi postquam confirmasset liberam potestatem per præcedentia ſæcula exercitam in Elecione Abbatis, ſic alloquitur Abbatem S. Maximini Basinum. *Nec aliqua cuiuslibet dignitatis persona infra Monasterium, niſi a te, alione Abbatे tuo ſuccellore vocatus, quidquam pro ſuo libitu ordinare, vel temere exercere præſumat. Præterea Apostolica noſtra authoritate omnimodis interdicimus, ne cui unquam Eccleſia vel Sedi cum cambio aut aliquo ingenio ſubdatur, ſed tali immunitate & libertate, quali Regalia loca utuntur, inoffenſe & perpetualiter gaudeat.*

Agapetus II. qui vehementer defendit antiquissima Monasterij Iura, omni-que modo inhibet & prohibet, ne Ruopertus Archiepiscopus Treuirensis, vel vlli eius Succelfores, Eccleſia Treuirensi conentur ſubbere Monasterium; id enim vt idem ait Pontifex, iniuste conabatur Ruopertus, ſicut & ducentis poſtea annis, Albero idem conatus eſt; proinde antiquo Agapeti rescripto, reprimendus ab iniusto conatu, ſicut & Antecessor eius litteras Agapeti habes sub Num. 10.

Ioannes XIII. qui in ſuis Romanis de anno DCCCCLXVII. vbi potesta-tem Religioſorum circa liberam electionem Abbatis confirmasset, idem statuit quod ſupra S. Gregorius posuerat, *ne cui unquam Eccleſia vel Sedi &c. ſed tali libertate & immunitate, ſicut Prumiense Monasterium inoffenſe & perpetualiter perfruatur.* Erat autem tunc Prumiensis Monasterij fundatio adhuc in recenti memoria hominum, vt pote facta à Pipino Caroli M. Patre; proinde nemini ignotum erat Prumiām immediate ſubeffe Regibus & Imperatoribus in Temporalibus, Romano Pontifici in Spiritualibus. Itaque vt omnes præfertim antiquitatum minus ſcientes, rite intelligerent, quale ſit Monasterium S. Maximini, adhibetur exemplum Prumiensis Monasterij, litteras Ioannis XIII. habes sub Num. 14.

Ioannes XV. qui in litteris Romanis indictionis XV. sub Num. 17. eadem verba habet, que S. Gregorius & Ioannes XIII. posteriora tamen non nihil ſic variat, *Sed tali libertate & immunitate ſicut Prumiense Monasterium, ceteraque Regalia loca inoffenſe & perpetualiter fruatur.*

S. Leo IX. qui in litteris de Anno MLI. postquam prolixè ſtabiliuſſet iura

& possessiones Monasterij, vult omnia à se præcepta seruari ; iuxta id, quod S. Apostolica Sedi iure subiectum esse debet, & sub mundiburdio Regum & Imperatorum constat. sub Num. 23.

Innocentius II. qui in Romanis de anno MCXL. confirmatus priuilegia Maximinianorum dicit, se concedere, ut Ecclesia & Venerabilia loca, maximè quæ ad speciale Ius & singularem proprietatem S. R. I. spectant, specialioris prærogatione fortiantur honorem, & Apostolicae autoritatis munimine roborentur. Quonobrem &c. Deinceps enim bona S. Maximini recenset, eaque cum Monasterio sub Apostolicae Sedis tutela & protectione suscipit & priuilegio communis. Mox addit eadem propè verba quæ supra Gregorius & Ioannes uterque posuerant, hæc videlicet, idem locus nulli unquam sedi vel Ecclesiæ subdatur, sed sub S. R. Ecclesiæ tute & Patrocinio & Imperatorum mundiburdio seu iustitione consistens ea libertate & immunitate fruatur, quam idem Monasterium à S. Pontificibus & Imperatoribus noscitur habuisse &c. Bullam habes sub Nu. 33.

Alij deinde Pontifices, qui in terminis habent hæc verba, *Monasterij S. Maximini Romana Ecclesiæ immediate subiecti*, vt expressè habent Romanæ litteræ Nicolai V. de anno MCCCLII. prid. Idib. Octobris, in quibus quartò id habetur, variata nonnihil phrasis in hæc verba, *Monasterium S. Maximini extra muros Treuirenses ad Romanam Ecclesiam nullo medio pertinens*. Item eiusdem, aliæ Romanæ de anno MCCCLXXIII. in quibus dicitur, *Abbas & Conuentus Monasterij S. Maximini extra muros Treuirenses Romana Ecclesiæ immediate subiecti*. Idem habetur in alijs eiusdem de anno MCCCC LXV. Idem habent Alexandri VI. Romanæ de anno MCCCC XCIII. Item eiusdem Romanæ aliæ de anno MDII. Item Pij Quarti Romanæ de anno MDLXIV. & Pij V. de anno MDLXX. Item Leonis X. de anno MDXIV. Item Clemencis VIII. de anno MDXV. Item Gregorij XIII. plures Romanæ de anno MDLXXXI, in quibus habetur, *Monasterium S. Maximini Sedi Apostolice immediate subiectum, prope & extra muros Treuirenses*. Item Romanæ Gregorij XV. de anno MDCXXI. in quibus ait. *Ceterum istud Christianæ pænitentia ac sanctimonia domicilium, Sedi Apostolicae immediate subiectum, patrocinio nostro semper tuebimur*. Summa, posterioribus sacerulis plurimæ sunt tales litteræ sub hac clausula: *immediatè & sine medio*, in qualibet noti Abbatis electi confirmatione à Pontificibus expeditæ, quarum exemplaria sub N. 58. habes, in quibus præfatum Monasterium semper dicitur immediate S. Sedi subiectum, atque eiusdem Abbatii electo, vt tali, à Pontifice Max. confirmatio conceditur.

Pontificibus Summis magno numero ad stipulantur Imperatores, qui in Rescriptis suis ea de re amplissimè testantur, vt supra copiosè ex eorummet verbis ostensum est.

SECTIO III.

Certissimis Indicijs & notis eadem exemptio demonstratur.

Manifestè quidem per supradicta & sufficientissimè probata est omnimoda Monasterij S. Maximini in Ecclesiasticis exemptio & immediata S. Sedi subiectio; sed & insuper ex usu ipso perpetuo, & ab omni memoria exercita praxi Ecclesiæ euincitur, per sequentes notas & indicia.

Primò, quia quoties nouū Abbatem in dicto Monasterio eligi contingit secū

dum

dum Regulam S. Benedicti, & antiquo usitato more, Electus à Summo Pontifice, non autem ab Archiepiscopo Treuirensi confirmationem petere tenetur.

Quam confirmationem quoque S. Sedes cum magna solemnitate, Electio-
nis processu in Consistorio Cardinalium examinato & discussso, concedere est
solita, expeditis eum in finem sex Bullis, quarum prima est Absolutionis, secun-
da Confirmationis, vtraque ad Electum directa, tertia verò ad Conuentum,
quarta ad Vasallos Maximilianos, vt eādem Electum pro Prälato & Domino
respectu agnoscant & colant. quinta ad Imperatorem, vt Abbatem ac Iura
Monasterij tueri ac protegere velit: ex quo etiam probatur & confirmatur ea,
quam præcedenti capite demonstrauimus immediata subiectio secularis re-
spectu Imperatoris & Imperij. Sexta ad Electum, qua illi fit potestas accipien-
di benedictionem à quocunque voluerit Catholico Antistite gratiam & com-
munionem Sedis Apostolicae habente. Quarum omnium Bullarum formulam
& exemplar habes sub Num. 58. & innumerar eiusmodi in singulis Abbatum
Confirmationibus concessas, continet Archivium nostrum.

Hinc autem euidenter probari, Abbatem esse immediatè S. Sedi Apostolice
subiectum, & ab omni Episcoporum Iurisdictione plenè exemptum, Iure no-
tissimum est, quo passim statuitur Abbes Electos, exemptos à S. Sede Apo-
stolica, non exemptos ab Episcopis quibus subsunt confirmari. *Textus & gl. in*
c. Si Abbatem. c. cupientes. de Electione in 6. c. Nihil §. Ceterum c. cum Monasterium.
& ibi Panorm. n. 1. & 3. de Electione. Textus & gl. in Can. hoc tantum 18. q. 2. c. cum
olim de Mator. & obed. & ibi Panormit. c. Venerabilem, de Electione. & communi-
ter DD. Sylvester v. Abbas. Petrus Bayfus in directorio Elect. cap. 23. nū. 3. & 5. Sua-
rez Tr. 8. de Religione lib. 2. cap. 5. num. 25. cum alijs pluribus. Layman lib. 5. Tr. 9.
cap. 13. §. ult.

Secundò, quia Abbas in actu benedictionis sive consecrationis Iuramentum
solemne edit, quo S. Sedi Apostolicae fidelitatem promittit: quod manu sua
subscriptum, mox ad S. Sedem transmittere tenetur, quod est sub Num. 19. Cu-
ius iuramenti formula penè ad verbum conuenit cum ea, quam Gregorius Pa-
pa III. prescripsit & corpori Iuris Canonici est inserta c. Ego N. de Iureiuran-
do. Cuiusmodi Iuramentum praestari ab Episcopis & Abbatibus Exemptis
dumtaxat Ius & DD. docent. c. dilecti, de Mator. & obedient. Panormit. in c. Ego
N. Episcopus. de Iureiurando.

Tertiò eandem benedictionem sive consecrationem Abbas Electus, non ab
Archiepiscopo Diœcesano, sed à quocunque voluerit Episcopo Catholico ac-
cipit, atque eum in finem Bullam expressam supra allegatam S. Sedes ei mittit.
Si Abbas & Monasterium Diœcesano subesset, certè ab illo benedictionem pe-
tere de Iure teneretur. cap. Statuimus, de supplenda negl. Prelatorum.

Vnde factum, vt cum Anno MDLXV. ad benedicendum Abbatem Petrum,
Gregorius Episcopus Azotensis Archiepiscopi Treuirensis Suffraganeus, à
Conuentu Maximiliano inuitatus fuisset, & rumor spargeretur actum benedi-
ctionis ex commissione Archiepiscopi ab illo perfici, deinde vero à Priore &
Conuentu immutatio aliqua formulæ Iuramenti obseruata fuisset, solemnibus
protestationibus prædictus Abbas, Prior & Conuentus, eorumque Officiatus
sele opposuerint, quarum exemplum habes sub Num. 60. è quibus intelliges
quibus artibus iam olim Iuribus Monasterij insidiatum fuerit.

Denique hinc quoque Monasterij exemptione probatur, quod Archiepisco-
pus nullum omnino Iurisdictionis actum in illo unquam exercuerit; vnde si
quando religioso Conuentui utilis vel necessaria aliqua visitatio est visa, eam

nunquam p̄eregit Archiepiscopus, sed Legati Apostolici, vti recenti memoria est factum Anno MDCX, per Attilium Amaltheum Archiepiscopum Athenarum, & Anno MDCXXI, per Antonium Albergatum Vigiliarum Archiepiscopum.

Episcopos autem, & multò magis Archiepiscopos Monasteria sibi subiecta certis casibus & temporibus visitare posse, vt cum Abbas officio suo decesset ex Concilio Tridentino notum est, & postea tradunt DD. Panormit. in cap. Pastoralem, num. 6. de officio ordinary.

Quæ omnia ita ab omni memoria vsu perpetuo inviolabiliter seruata, omnimodam Exemptionem Monasterij cuiusq; lectori clarè manifestant.

C A P V T T E R T I V M .

Aduocatiam seu Protectionem Monasterij S. Maximini esse Ducum Luxemburgensium.

DE hoc capite tria nobis potissimum probanda sunt: primū, Protectionem seu Aduocatiam prædictam inde ab origine Comitum & Ducum Luxemburgensium, Augustæ eorum familiae semper, usque in hodiernum diem adhaesisse. Secundo, eam supremam ac vniuersalem fuisse, & ad quævis dicti Monasterij bona extensam. Tertio hereditario & successionis Iure à maioribus ad posteros semper eam descendisse, quæ tria totidem Sectionibus persequar.

S E C T I O I .

Enumerantur Comites & Duces Luxemburgenses S. Maximini Aduocati.

CVM nomine Comitis Luxemburgensis arcta etiam necessitudo & coniunctio illius cum S. Maximini Monasterio orta est.

Constat ex antiquis monumentis eo fere loco, vbi hodie Luxemburgum est, olim fuisse Castra Romanorum Lætorum Lingonum dicta, quæ deinde Lucilinburgum, corrupta voce vulgo nominata sunt; iis vicinam fuisse spelulam dictam Lucilinburgh, ut quasi custodiam Lucilinburgi, quæ structa fuit in eodem omnino loco, vbi hodie veteris arcis ruinæ spectantur. Carolus Martellus illustrissima Arduennatis sanguinis propago, Anno Christi DCCXL I Witmaris Ecclesiam (hodie Weimerskirchen Luxemburgo omnino vicinam) cum Lucilinburgo & Lucilinburghut (quorum ruinæ infra fines Parochiæ Witmaris Ecclesiæ continebantur) tum & Petrisolam (hodie Steinsel) & Cumiciacum donauit Monasterio S. Maximini, ob miraculosè sanitatem sibi à S. Maximino restitutam, ut habetur in vita S. Maximini n. 12. à Lupo ad Waldensem Abbatem conscripta, qui annis fere centum post hanc donationem vixit. *Vide etiam Baronium, ad A. 741. n. 15.*

Sigefridus Comes, cum latè in Regione Arduennate dominetur, atque Ditioni suæ opportunum animaduerteret Lucilinburgum, vna cum specula in rupe inaccessa quondam constructa circa Annum DCCCCLXIII. vtrumque

vna